

Pathen Kah Awlciim La Khrih

Caciim Teeham; Jhon.1:1, 3-5, 14, 16-18, 29, 32, 42, 51

I. Johan 1 he Johan awlthang theen kah a tawngna la awm tih, he a tawngna kah awlpui koek tah khrih he Pathen kah awlciim – aka huep, huh thaila ka awm nawh Pathen kah phawngna, thuicaihna oen tuengsakna – la awm – athaan.1.

- A. Pathen kah awlciim la khrih he aka boeu Kai la ka awm bawi, amah poekah aka awm, poe aka awm bawi la awm. Bawipa he dungzaan la ka awm bawi, a tawngna oen a boetna ka awm nawh bawila awm – Exo.3:14-15, Joh.8:24, 28, 58, Heb.7:3.
- B. Johan 1 he khrih te a thuinuet tih, vaan khawhi huui kah kawngghu dawng kah ka awm aka boeu koek coengna panga – suenna, thanghing la coengna, tlangna, situi suepna oen sakna- thli dawngah dungzaan oen a caan kah thlai a boel pahih oen a thuingaih na – Saam.90:1-2.
 - 1. Johan capat boeih kah awl lung la Johan pakhat he zaan vengah awlciim la “khaw lawng aka cet” thumkhat Pathen he ka law ham koei dungzaan tue vengah Jerusalem khaw thai a coengna kah a kaawng te a tawi cala a tuengsakna ni – athaan. 1, 4-5, 51.
 - 2. Johan 1 lawngah dungzaan awlciim te Bawipa kah suenna bi oen a caan thlai te a poeng tih Bawipa kah a tlangna te a poengna hamla thisa la a coengna ham bawipa kah khaw lawng cehna dawngah a ciim phaana la a tuengsak. Tetah Bawipa kah hingna thlawanna te khuenna hamla situi suepkung, hingna aka pekung, muisam thawlengsakung Muithla la a coeng ham a tih, a huh khueng la Pathen oen thlaang pawlnengna a boetna Bethel la ka awm Jerusalem khaw thaila coeng ham Bawipa kah cuun koep, ka thawleng u, bawilenna aka tueng vasa hula oen a beela thoekna, pitpawna oen haih ah cuutna te awm ai.
- C. He vaan khawhihuui benkah, kawngghu benkah coengna panga dawngah Pathen kah awlciim la ka awm khrih hetah (1) suenna dawngah suenkung (2) thlanghing la coengna dawngah mami laklaw ah himbai imla aka awm thlaang (3) tlangna dawngah tuuca (4) muisam thawlengna dawngah situi aka suep Muithla oen (5) Pathen kah sakna hamla diklai te vaanla aka tuhkaai sak thlaak tila awm tih, huh thaila ka awm nawh Pathen te phawngna, thuisakna oen tuengsakna la awm – athaan. 1, 10:35, Efe.6:17, Joh.6:36.

II. Pathen kah awlciim la khrih lawngah Bawipa kah suenna ka lawng Pathen hamla awl a thui – 1:3.

- A. “Vaanthli lawng pathen bawilenna a phawng u tih/ khawhii lawng a kutsai bibi te a phawng u/ hinat coeng hin at tethli lawng awl a thui u tih/ ziin at coeng ziin at cuihna te a tuengsak u/ me huen ahkhaw zaak nawh hamkoei awlthui oen awl awm nawh...” -Saam.19:1-3.
- B. “Metitiah diklai a suen cuek kalawngah ming thai la aka awm nawh Pathen kah saithaina-dungzaan tharaana oen a Pathenna te-acaih cala tueng poen, a thaihusaithli dawngah zakming thai la a awm poen dawngah, thlanghing lawng tang lawhna ham lawngpui awm nawh” -Rom.1:20.
- C. Celtuihthli 14:15-17 oen 17:24-29 dawngah athuinuet thaihu tah Khrih kah asuen na lawng Pathen hamla awlthui nala awm tite awngna kah aka vai apoekna te atuengsak nala awm -Heb.11:3, 1:2, Kol.1:15-17, Hagg.2:7.

III. Pathen kah awlciim la Khrih lawngah Pathen kah himbaai im la Bawipa kah athlaanghing coengna kalawng patoeng Pathen hamla awl athui -Jhn.1:14.

- A. Awlciim tah thlaanghingla coengna rang oen Pathen te thlaanghing coengna khui la akhuen bueng oeuhla, diklai dawngah thlaangthli laklawah Pathen kah awmna la Pathen hamla himbaai im la khaw awm tih, reenna oen asoeng nala betooet la awm.
 1. Aanaa awl lawngah Pathen amah acoeng na angla thlaang sawah abih nala awm. Reenna lawngah Pathen lawng abih thaihu te asoepsak na hamla Pathen amah la awmna thli la thlaang te abawmcem -athan.17.
 2. "A reenna aka be puer dawng kalawng mami lawng zoeutheenna khat coeng khat n'dang boeih u"-athan.16.
 - B. Thisa la coengna dawngah Bawipa tah thumkhat Pathen kah Bawipa la coeng tih, Pathen te thlaang tengla n'khuen tih, Pathen te tuhkai thai thlaang, aka dang thlaang, huhtawng thlaang, aka pha thlaang, awmngaih thai thlaang la acoeng sak.
 - C. Bawipa he Pathen-thlaang pakhat la va coeng tih, Pathen coeng nate thlaanghing coeng nala n'khuen tih, Pathen coengna oen thlaanghing coengna te athoek sak.
 - D. Pathen kah khuehdueuen capa thlaanghinla coeng na tah thlaang tengah Pathen kah awl, hingna, angna, reenna, asoengna dawngah pangpui na hamla ni -athan.18.
 1. Awlciim lawngah Pathen te atuengsakna, acimphan sakna oen aphawng nala awm, tedeng ni thlaang lawng Pathen zakming thai ai.
 2. Hingna tah Pahten lawng arekra nala awm, tedeng ni thlaang lawng Pathen tea dang thai ai.
 3. Angna tah Pathen lawng athue nala awm, tedeng ni thlaang lawng Pathen te adang khuehtoen ham ang thuena adang thai ai.
 4. Reenna tah Pathen te thlaang rang oen awmngai nala awm, tedeng ni thlaang lawng Bawipa kah betoetna thli te abaawn pui thai ai.
 5. ASoengna tah Pathen te thlaang rang oen aming nala awm, tedeng ni thlaang lawng Pathen te zakming na oen mingna awm thai ai.
- IV. Pathen kah awlciim la Khrih lawngah tlangna hamla Pathen kah tuu ca la coengna kalawng patoeng Pathen hamla awl athui -athan.29,36.**
- A. Aka auh diklai te tlang hamla tuu ca la lawna dawngah Khrih lawng Pathen tah Bawipa kah doengna ning la lawng zaaw la Bawipa aduekna kalawng patoeng awlcekna ben dawngah Bawipa kah tlangna te metila asoepbir sak tite mami tengah awl thui nala awm.
 - B. Pathen kah tuu ca tah Pathen kah ka soep thlawanna te soepbir ham awlkhueh ruem nawanna thli boeih kah soepbir nala thisa dawngah ka awm awlciim te athuinuet - Heb.10:5-10.
 1. Khrih tah thawlh thaihu nawanna, saithawlh thaihu nawanna, haithluut thaihu nawanna, Caang nawanna, Pawlneengna thaihu nawanna, thlek ham koei thaihu nawanna, aawk ham koei thaihu nawanna thli kah asoeng nala awm.
 2. Nawanna thli boeih la Khrih oen haih mami lawng Pathen kah ka soep tlangna te n'dang u tih, he tlang nate huhtawng tih awmngaih thai u ai.
- V. Pathen kah awlciim la Khrih tah Pathen lawng atlang thlaangthli te lungtoeula muisam thawleng tih (Jhn.1:32-42) awlkhueh thai dawngah hingna ben la Pathen kah im (Bethel -athan.51) te sakna hamla situi aka suiep muithla la coengna kalawng patoeng Pathen hamla awl athui.**
- A. Bawipa tah situi suiep kung, hingna pekung, muisam aka thawleng muithla la coengna dawngah (1Kor.15:45), Khrih tah Pathen lawng Bawipa kah lungbui ngaihna ningla Pathen ben apoekna hamla Pathen ben hingna rang oen Bawipa kah kamthlahna te metihla hingna benla akhuen tite mami tengah athui.
 - B. Mami lawng mah kah hing roek hingna dawngah mami kah muithla dawngah ka awm situi aka suiep muithla la Khrih te zuengtheng na tah meang thaihu khawseh huen peek nawh hamla ngaithueuen hamla angoe -1Jhn.2:20,27.

1. Khrih tah situi suep kung oen situi suepna aka pe kung situi suepna aka dang kung la awm. AntiKhrih kah singzoe dawngah hingna tah situi suepna te oeilhna (Anti saina) (*Anti* tina tah “oeilhna” oen “ahih huen lakah, zuengthengna” tila athuingaih) nala awm -athan. 18:22, 4:3, 2Jhn.7.
2. Anti (oeilhna) Khrih coengna tah Khrih oeilhna oen atloe thaihu la zuengthengna pahih bawkla awm.
3. Mami lawng mah kah awmihna oen moeiboe kalawng thaihu pakhat khat zuengtheng mai kawinih Khrih amah te zuengtheng ham thaihu pakhat khat huen peek na dawngah AntiKhrih kah singzoe te atakla khuen nala awm – Phil.1:21, 4:4-9.
4. Mami he AntiKhrih kah singzoe dawngah hing rooek hingna awm dawngah thawlhut ham, khuiben situi suepna la Khrih zueng atheng singzoe, pawmna, moeiboe oen thlaanghing pawmna thli te huen peek dawngah thawlhut hamla angoe. He tah situi suepna te oeilhna, mami khuiah aka awm thumkhat Pathen kah tatvuetna, bisaina oen betoetna te oeilhna (Anti) la awm.
5. Mami lawng “Bawipa, kai tah situi suepna rang oen -ka khuiah thumkhat Pathen kah tatvuetna, bisaina oen betoetna rang oen, te dawngah, te oen haih te kalawng patoeng hingna, khawkaanna awm ka ngaih” tila thangthui ham tueng.
- C. Situi aka suep muithla la awm tih akhuu tah asuen thlaang te cuun thaina adang coeng, situi asuep tih, thlaanghing te aka hing lungtoeu thli la muisam thlawleng tih, muisam aka thawleng thlaang te athoeksak.
- D. Piter kah thawlengna tue dawngah Pathen lawng ahih te aming thai Piter -lungtoeu (Jhn.1:42) tila aming apeek tih, Piter lawng Khrih oen tuhkai la awmna te adang coengah lungsawng -lungtoeu (Matt. 16:16-18) la awm tite tere awng nala awm. He coengna pahih rang oen Piter lawng Khrih oen Bawipa kah oengcathli tah Pathen kah sakna hamla lungtoeu la awm tite ming kuep la awm (1Piter.2:4-8).

VI. Pathen kah awlciim la Khrih lawng vaandawng (Pathen) tah diklai (thlaang) tengla n'khuen tih, diklai (thlaang) te vaandawng (Pathen) tengla atuhkai tih Pathen kah sakna hamla pumkhat la aka coeng sak thlak la coengna kalawng patoeng Pathen hamla awl athui -Jhn.1:51. Gen. 28:11-22.

- A. Khrih lawngah Bethel ah vaandawng ben thlak coengna dawngah mami tengah Pathen lawng diklai sawah Bawipa kah atlang thlaang oen muisam ka thawleng atuek thlaangthli rang oen aka tuhkai im te dang hamla metih angaihna awm, terang oen Bawipa lawng vaandawng te diklai la khuen tih, diklai te vaandawng la atuhkai tih, dungzan tue khui puer pahih te pakhat la awm sak ham angaih tite athui.
- B. Jacob kah mang tah Khrih kah awng nala awm, metitiah Khrih he Bethel la ka awm Pathen kah im dawngah Jacob lawng ahuh thlak kah asoeng nala awm dawngah ni -athan.12, Jhn.1:51.
 1. Tihin Pathen kah awmna huen la ka awm mami kah athai cuun koepna aka dang muithla tah (Efe.2:22) diklai dawngah vaandawng ben thlak la Khrih lawng asak huen la awm (2Tim.4:22).
 2. Pathen kah im, Pathen kah awmna huenla ka awm, vaandawng thawhka la ka awm Bethel dawngah Khrih lawng diklai te vaandawng la tuhkai sak tih, vaandawng te diklai la aka khuen thlak la awm. Tedawngah mami muithla dawng n'mel u rooek vengah thlak la ka awm Khrih lawng Pathen te mami tengla, mami te Pathen tengla n'khuen nate n'huhtawng u.
 3. Vaandawng ben thlak la Khrih kah athaitak tah Pathen kah sakna -Bethel, thlangboel, Khrih kah takpum – la awm tih, te thlak kah asoepbirna tah Jerusalem khaw thai la awm.

- C. “Bawipa law koepna tah Bawipa aka thlap thlaangthli kah aka cak awm pooena sakna te angoe. He sakna tah Bawipa lawng diklai te dang koop ham acaawt lungtoeu, palang awm tih, Pathen oen thlaang pahih bawk hamla benbang awmna la awm poen ai. Tetah Pathen coeng nala athlaanghing coengna oen thlaanghing coeng nala Pathen coengna thooekna tare awm poen ai. He sakna tah Jacob kah amang aboetkoek soepbirna bueng oeuhla, Pathen kah dungzaan kamthlahna asoepbir nala khaw awm poen ai. Te tah acaam kah thlai te aboetsak tih, hailam ah zoeutheenna ka dang dungzaan tue te n’khuen poen ai. Mami he te sakna hamla awm ham ni, mami tah te sakna la awm ham ni” (*Life-study of John*, 2nd ed., p. 65).